

UG Nr. 1/2025

Ohne Funktionär warads schwer

Griass eich i bin's da Eberhard.

I frag mi grad was ma den tat,
wann koana nimma höffn tät,
und neamt a Funktion mehr hätt.

Es is so wichtig im Vereinsleben
dass Leit eahna Freizeit geben,
die mit Engagement und Woin,
so an Verein am Leben hoin.

Drum was a sche wann oid und jung,
a übernimmt Verantwortung,
dass d Leit se wohlfühl'n im Verein,
a Freid ham und zufriedn sein.

A wann d'Zeit manchmal wirkli druckt,
die Leit gebm ja a sovü zruck.
Wann's Dangschee song fia a schene Zeit,
hat da Vorstand fix sei Freid.

Die Susi ja die tanzt so gern,
da Franz der kaun se gar net wehrn.
Drum is es jedes Jahr der Fall
se organisiern an Maskenball.

Es is so wichtig, dass ma wen find,
der gern a Ehrenamt übernimmt,
beim PVÖ is des gar net schwer,
Es lebe hoch a jeda Funktionär(in)
Euer Eberhard